

## HELAIAN KETERANGAN PRODUK

(Sila baca Helaiian Keterangan Produk ini sebelum anda membuat keputusan untuk menyertai “IKHLASlink Comprehensive Personal Accident Secure Takaful Rider”. Sila pastikan juga anda membaca terma dan syarat am.)

TAKAFUL IKHLAS BERHAD

(Dilisenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)

**IKHLASlink Comprehensive Personal Accident Secure Takaful Rider**

Tarikh: 08/10/2018

### 1) Produk apakah ini?

Ini adalah rider berunit deduktif yang boleh disertakan kepada pelan Takaful berkaitan pelaburan di mana Sumbangan Takaful adalah berkala. Pelan tambahan ini memberi perlindungan yang komprehensif ke atas Kematian, Keilatan Kekal dan Menyeluruh (TPD), Keilatan Separa dan Kekal (PPD), Keilatan Sementara dan Menyeluruh (TTD), dan Keilatan Sementara dan Separa (PTD) yang disebabkan secara langsung oleh kemalangan sepanjang tempoh Sijil Takaful Tambahan ini.

Tambahan kepada perlindungan yang diberikan, Orang Yang Dilindungi juga berhak mendapat Pembayaran Balik Perbelanjaan Perubatan Pembedahan (MSER), atau Pembayaran Balik Perbelanjaan Perubatan Pesakit Luar (OMRB) yang disebabkan secara langsung oleh kemalangan sepanjang tempoh Sijil Takaful Tambahan.

### 2) Apakah konsep-konsep Syariah yang diguna pakai?

- **Tabarru'** – bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu Peserta-peserta Takaful yang ditimpa musibah. Di dalam konteks Takaful IKHLAS, Tabarru' akan diperuntukkan ke dalam Dana Risiko.
- **Wakalah** – merujuk kepada kontrak di mana satu pihak, sebagai prinsipal (*muwakkil*) membenarkan pihak lain sebagai ejen (*wakil*) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks Takaful Ikhlas, pihak Syarikat dilantik sebagai ejen (*wakil*) untuk melaksanakan Perniagaan Takaful, dan Yuran Wakalah (*Ujrah*) akan dibayar kepada pihak Syarikat.

### 3) Apakah perlindungan-perindungan/manfaat-manfaat yang ditawarkan?

Jadual Manfaat (RM)						
Pelan	Kematian/ TPD	PPD	MSER	TTD/ mingguan	PTD/ mingguan	OMRB
1	30,000	30,000	1,500	180	60	300
2	50,000	50,000	2,500	300	100	500
3	100,000	100,000	5,000	600	200	1,000
4	150,000	150,000	7,500	900	300	1,500
5	250,000	250,000	12,500	1,500	500	2,500

#### a) Kematian atau Keilatan Kekal dan Menyeluruh (TPD)

Sekiranya berlaku kematian atau TPD akibat daripada kemalangan ke atas Orang Yang Dilindungi dalam tempoh Sijil Takaful Tambahan, Amaun Perlindungan akan dibayar kepada Peserta Takaful atau penama kepada Orang Yang Dilindungi (untuk kes kematian) atau kepada Orang Yang Dilindungi (untuk kes TPD).

**Syarat:**

Definisi TPD adalah berdasarkan "Sebarang Pekerjaan" dan keilatan telah berlaku sekurang-kurangnya enam (6) bulan.

**b) Keilatan Separa dan Kekal (PPD)**

Sekiranya berlaku PPD kepada Orang Yang Dilindungi yang disebabkan sepenuhnya dan secara langsung oleh kecederaan anggota badan akibat dari kemalangan di dalam tempoh Sijil Takaful Tambahan, Peratusan Amaun Perlindungan seperti yang dinyatakan di dalam Jadual di bawah, selepas ditolak sebarang jumlah yang bayar di bawah manfaat TTD dan PTD yang disebabkan oleh kemalangan yang sama, akan dibayar kepada Orang Yang Dilindungi.

Agregat semua peratusan yang perlu dibayar berkaitan sebarang kemalangan tidak boleh melebihi 100%. Sekiranya 100% manfaat telah dibayar, Sijil Takaful Tambahan ini akan dihentikan berkuat kuasa dengan serta-merta. Semua pampasan lain yang kurang daripada 100% jika telah dibayar boleh mengurangkan perlindungan dengan nisbah amaun yang dibayar dari tarikh kemalangan sehingga berakhirnya tempoh Sijil Takaful Tambahan.

<b>Jadual Manfaat</b>	
<b>Kejadian</b>	<b>% Amaun Perlindungan</b>
Kehilangan penglihatan kedua-dua mata yang tidak boleh disembuhkan	100%
Kehilangan kedua-dua belah tangan dari paras atau di atas pergelangan tangan	100%
Kehilangan kedua-dua belah kaki dari paras atau di atas pergelangan buku lali	100%
Kehilangan sebelah tangan dari paras atau di atas pergelangan tangan dan penglihatan sebelah mata	100%
Kehilangan sebelah kaki dari paras atau di atas pergelangan buku lali dan penglihatan sebelah mata	100%
Kehilangan sebelah tangan dari paras pergelangan tangan dan sebelah kaki dari paras atau di atas pergelangan buku lali	100%
Kehilangan sebelah tangan pada atau di atas pergelangan tangan	50%
Kehilangan sebelah kaki pada atau di atas pergelangan buku lali	50%
Kehilangan penglihatan pada sebelah mata	50%
Kehilangan penuh pendengaran pada kedua-dua belah telinga yang tidak dapat disembuhkan	50%
Kehilangan penuh pendengaran pada sebelah telinga yang tidak dapat disembuhkan	10%
Kehilangan penuh daya pertuturan yang tidak dapat disembuhkan	50%
Hilang:-	
a) Empat batang jari dan ibu jari dari sebelah tangan pada atau di atas sendi metacarpal	50%
b) Empat batang jari sebelah tangan pada atau di atas sendi metacarpal	40%
c) Ibu jari:	
i) kedua-dua ruas	25%
ii) satu ruas	10%
d) Jari telunjuk:	
i) ketiga-tiga ruas	10%
ii) dua ruas	8%
iii) satu ruas	4%

<b>Jadual Manfaat</b>	
<b>Kejadian</b>	<b>% Amaun Perlindungan</b>
e) Jari tengah:	
i) ketiga-tiga ruas	6%
ii) dua ruas	4%
iii) satu ruas	2%
f) Jari manis:	
i) ketiga-tiga ruas	5%
ii) dua ruas	4%
iii) satu ruas	2%
g) Jari kelinking:	
i) ketiga-tiga ruas	4%
ii) dua ruas	3%
iii) satu ruas	2%
h) Metacarpal:	
i) pertama atau kedua	3%
ii) ketiga, keempat atau kelima	2%
i) Jari kaki:	
i) kesemua jari sebelah kaki	15%
ii) kedua-dua ruas ibu jari kaki	5%
iii) satu ruas ibu jari kaki	2%
iv) selain dari ibu jari kaki, sekiranya lebih dari sebatang tiap-tiap satu	1%

**c) Pembayaran Balik Perbelanjaan Perubatan Pembedahan (MSER)**

Sekiranya Orang Yang Dilindungi dimasukkan ke dalam hospital dan menjalani Pembedahan\* akibat kecederaan anggota badan yang disebabkan oleh kemalangan dalam tempoh dua puluh empat (24) jam dari masa kecederaan, Orang Yang Dilindungi boleh mengemukakan tuntutan ke atas perbelanjaan perubatan dan sebarang kos yang munasabah dan yang diperlukan, yang telah dibayar oleh Orang Yang Dilindungi kepada doktor dan/atau hospital yang berdaftar. Pembayaran balik tuntutan ini terhad kepada 5% daripada Manfaat Takaful untuk setiap kemalangan.

Nota: Pembedahan didefinisikan sebagai pembedahan kecil dan besar berpandukan kepada "Jadual Fi MMA Edisi ke-4 2002" atau edisi terbaru.

**d) Keilatan Sementara dan Menyeluruh (TTD)**

Sekiranya Orang Yang Dilindungi mengalami TTD selama tujuh (7) hari berturut-turut akibat oleh daripada kemalangan, manfaat mingguan iaitu 0.6% daripada Manfaat Takaful atau berkadarannya daripada setiap hari akan dibayar kepada Orang Yang Dilindungi semasa tempoh keilatan dari tarikh kemalangan. Jumlah minggu maksima yang dilindungi adalah lima puluh dua (52) minggu bagi setiap kemalangan dan manfaat ini tidak terpakai sekiranya Orang Yang Dilindungi adalah Penganggur atau seorang pelajar sepenuh masa.

TTD bermaksud kecacatan yang sepenuhnya mencegah Orang Yang Dilindungi daripada menjalankan sebarang jenis perniagaan atau pekerjaan. Ini akan didasarkan pada penilaian oleh Syarikat yang dilantik penasihat perubatan.

**e) Keilatan Sementara dan Separa (PTD)**

Sekiranya Orang Yang Dilindungi mengalami PTD selama tujuh (7) hari berturut-turut akibat daripada kemalangan, manfaat mingguan iaitu 0.2% daripada Manfaat Takaful atau berkadaran daripadanya setiap hari akan dibayar kepada Orang Yang Dilindungi semasa tempoh keilatan dari tarikh kemalangan. Jumlah minggu maksima yang dilindungi adalah lima puluh dua (52) minggu jumlah untuk kedua-dua TTD & PTD bagi setiap kemalangan. Manfaat ini tidak terpakai sekiranya Orang Yang Dilindungi adalah Penganggur atau seorang pelajar sepenuh masa.

PTD bermaksud kecacatan yang menghalang Orang Yang Dilindungi dari menjalankan sebahagian besar daripada perniagaan atau pekerjaan tetapi Orang Yang Dilindungi tidak mengalami Keilatan Sementara dan Menyeluruh. Ini akan didasarkan pada penilaian oleh penasihat perubatan yang dilantik oleh syarikat.

**f) Pembayaran Balik Perbelanjaan Perubatan Pesakit Luar (OMRB)**

Sekiranya Orang Yang Dilindungi menerima rawatan perubatan pesakit luar ke atas kecederaan anggota badan yang disebabkan oleh kemalangan dalam tempoh dua puluh empat (24) jam dari masa kecederaan, Orang Yang Dilindungi boleh mengemukakan tuntutan perbelanjaan perubatan dan sebarang kos perubatan rawatan pesakit luar yang munasabah dan yang diperlukan, yang telah dibayar oleh Orang Yang Dilindungi kepada doktor dan/atau hospital\* yang berdaftar. Pembayaran balik tuntutan ini terhad kepada 1% daripada Manfaat Takaful untuk setiap kemalangan.

Nota : Hospital bermaksud unit kemalangan dan kecemasan daripada hospital/klinik kerajaan, dan swasta yang berdaftar dengan Kementerian Kesihatan di bawah “Akta Kemudahan dan Perkhidmatan Jagaan Kesihatan Swasta 1998 - UNDANG-UNDANG MALAYSIA.

Nota: Apabila berlaku kematian/TPD/TTD atau PPD kepada Orang Yang Dilindungi sebelum mencapai umur lima (5) tahun pada ulang tahun kelahiran yang berikutnya dan tertakluk kepada syarat-syarat dan peraturan Sijil Takaful Asas , Manfaat Takaful untuk Sijil Takaful Tambahan seperti yang tercatat di dalam Sijil Takaful Asas di Helaian Maklumat Sijil Takaful akan dibayar mengikut jadual seperti berikut:

Umur pada Tarikh Kematian/TPD/TTD/PPD (Ulang tahun Kelahiran Yang Berikutnya)	Peratusan Bayaran Manfaat
1 Tahun	20%
2 Tahun	40%
3 Tahun	60%
4 Tahun	80%
5 Tahun ke atas	100%

**4) Berapakah jumlah Sumbangan Takaful yang perlu dibayar?**

Tiada Sumbangan Takaful tambahan yang dikenakan ke atas rider ini kerana caj Tabarru' akan ditolak daripada Dana Unit daripada Sijil Takaful asas. Walau bagaimanapun, caj Tabarru' adalah TIDAK DIJAMIN dan boleh berubah dari semasa ke semasa dengan memberi tiga (3) bulan notis kepada Peserta Takaful sebelum ulang tahun Sijil Takaful.

**5) Apakah yuran-yuran dan caj-caj yang perlu dibayar?**

a) Yuran Wakalah – tidak dikenakan.

- b) Caj Tabarru' akan ditolak daripada Dana Unit daripada Sijil Takaful asas (melalui penolakan unit-unit mengikut harga unit). Tabarru' akan meningkat seiring dengan peningkatan usia Orang Yang Dilindungi. Butiran amaun tabarru' dan lain-lain caj untuk pelan ini adalah seperti yang dinyatakan di dalam ilustrasi manfaat.

**6) Apakah terma-terma dan syarat-syarat utama yang perlu diketahui?**

- a) Kepentingan pendedahan maklumat – anda dikehendaki mendedahkan semua maklumat dan fakta seperti umur, pekerjaan dan keadaan kesihatan dengan betul. Takaful IKHLAS mempunyai hak untuk menolak pembayaran tuntutan jika anda didapati gagal untuk mendedahkan maklumat yang relevan yang akan mempengaruhi keputusan untuk menerima atau menolak risiko, dan tentang peruntukan-peruntukan yang akan ditetapkan pada anda.
- b) Tempoh Bertenang – anda boleh membatalkan Sijil Takaful Tambahan dengan mengembalikan Sijil Takaful Tambahan tersebut kepada pihak Syarikat dalam tempoh lima belas (15) hari dari tarikh Sijil Takaful Tambahan diterima. Syarikat akan membatalkannya dengan serta-merta setelah penerimaannya.
- c) Nilai Dana Unit daripada Sijil Takaful asas bergantung kepada prestasi dana-dana pelaburan yang dipilih. Semakin tinggi tahap perlindungan Takaful yang dipilih, maka lebih banyak nilai unit-unit yang akan diserap untuk membayar caj-caj Tabarru' dan, unit-unit yang kekal untuk nilai tunai terkumpul di bawah Sijil Takaful anda akan berkurang.
- d) Pendapatan pelaburan sebenar boleh berubah-ubah mengikut keadaan pasaran. Oleh itu, jumlah terkumpul di dalam Dana Unit daripada Sijil Takaful asas boleh meningkat naik atau menjadi kurang daripada jumlah Sumbangan Takaful yang telah dibuat ke dalam Dana Unit daripada Sijil Takaful asas (berkemungkinan menyebabkan peluputan Sijil Takaful sebelum tempohnya).
- e) Sijil Takaful luput - Sijil Takaful akan luput apabila nilai unit-unit pelaburan adalah tidak mencukupi untuk membayar Tabarru' dan caj-caj yang lain.
- f) Syarikat akan mengenakan Caj Pengurusan Lebihan (SAC) sebanyak 50% daripada sebarang lebihan boleh-agih kasar yang diisytiharkan pada setiap akhir Tahun Kewangan Syarikat. Lebihan boleh-agih bersih (selepas ditolak SAC) daripada Dana Risiko akan diperuntukkan sepenuhnya (100%) kepada Peserta Takaful.
- g) Adalah penting bagi anda untuk menerima dan menyimpan resit-resit sebagai bukti pembayaran Sumbangan-sumbangan Takaful.
- h) Sekiranya anda tidak menerima Sijil Takaful selepas empat belas (14) hari dari tarikh penyertaan, sila hubungi kami (bagi kes-kes standard sahaja).
- i) Notis terhadap tuntutan haruslah dibuat secara bertulis kepada Syarikat dalam masa tiga puluh (30) hari selepas berlakunya kejadian yang mengakibatkan tuntutan. Setelah notis tuntutan dikemukakan, pihak Syarikat akan memberikan borang-borang berkaitan kepada pihak yang melakukan tuntutan bagi menfailkan bukti tuntutan serta memaklumkan pihak yang menuntut akan keperluan-keperluan lain yang mungkin diperlukan. Walaubagaimanapun, ini tidak akan menghalang pihak Syarikat dari meminta dokumen yang selanjutnya mengenai tuntutan tersebut sekiranya didapati perlu. Kesemua maklumat dan bahan bukti ini hendaklah di kemukakan kepada Syarikat dalam tempoh sembilan puluh (90) hari daripada tarikh berlakunya peristiwa-peristiwa yang dilindungi.
- j) Sijil Takaful Tambahan ini tidak akan membayar sebarang amaun manfaat apabila Sijil Takaful Tambahan tamat, matang atau tamat tempoh.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh terma-terma dan syarat-syarat yang terdapat di bawah Sijil Takaful.

**7) Apakah pengecualian-pengecualian utama yang terdapat di dalam Sijil Takaful ini?**

Sijil Takaful Tambahan ini tidak akan melindungi sebarang kematian atau hilang upaya berpunca secara langsung atau tidak, sepenuhnya atau sebahagiannya, daripada salah satu kejadian-kejadian berikut:

- a) Melakukan, cuba melakukan atau memprovokasikan serangan, feloni atau sebarang pelanggaran undang-undang oleh Orang Yang Dilindungi;
- b) Rusuhan dan kacau-bilau awam, mogok atau aktiviti pengganas;
- c) Membunuh diri atau sebarang percubaan ke arahnya atau mencederakan diri secara siuman atau tidak;
- d) Peperangan, sama ada diisytiharkan atau tidak, revolusi, atau sebarang jenis operasi berbentuk peperangan;
- e) Perkhidmatan ketenteraan atau laut semasa peperangan sama ada diisytiharkan atau tidak atau diberikan arahan atau sebarang jenis operasi berbentuk peperangan atau ketika mengembalikan ketenteraman awam;
- f) Membuat tangkapan sebagai seorang pegawai undang-undang;
- g) Pelanggaran atau percubaan untuk melanggar undang-undang atau mengelakkan dari penahanan;
- h) Perlumbaan selain daripada menggunakan kaki;
- i) Kemalangan yang berlaku semasa atau disebabkan oleh Orang Yang Dilindungi berada di bawah pengaruh alkohol melebihi tahap yang dibenarkan oleh undang-undang atau dadah selain daripada perskripsi yang diberikan oleh pengamal perubatan yang berdaftar;
- j) Sebarang keuzuran atau penyakit disebabkan oleh ptomaine atau jangkitan bakteria (kecuali jangkitan pyogenik disebabkan oleh atau akibat daripada luka atau kecederaan akibat kemalangan);
- k) Menghidu racun, gas atau bahan berwap (secara disengajakan atau tidak);
- l) Memasuki, mengendali atau berkhidmat, secara menaiki atau menuruni peralatan udara atau kenderaan udara termasuk melakukan terjunan udara, payung terjun, lompatan bungee, luncur udara dan belon udara kecuali semasa Orang Yang Dilindungi berada di dalam penerbangan yang dikendalikan secara komersial sebagai penumpang berjadual melalui perjalanan berjadual;
- m) Sebarang perlakuan keganasan. Bagi tujuan ini perlakuan keganasan bermaksud sebarang perlakuan, termasuk tetapi tidak terhad kepada penggunaan kekerasan atau keganasan dan/atau ancaman yang berkaitan dengannya, sama ada perseorangan atau berkumpulan melalui tindakan bersendirian atau bagi pihak yang berkaitan dengan sebarang organisasi, atau kerajaan, dilakukan atas sebab-sebab dengan politik, keagamaan, ideologi atau yang berkaitan dengannya termasuklah dengan niat untuk mempengaruhi sebarang kerajaan atau organisasi dan/atau menakutkan orang awam atau sebahagian daripadanya.
- n) Penyakit, kecederaan atau kerugian lain berlaku sebelum pembayaran Sumbangan Takaful yang pertama, atau dimana Sijil Takaful telah luput.
- o) Sebarang penyakit; mengandung, bersalin atau sebarang keguguran.
- p) Menggunakan enjin prototaip.

Kemasukan ke hospital di luar daripada Malaysia adalah tidak dilindungi di bawah Sijil Takaful Tambahan ini.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh pengecualian-  
pengecualian yang terdapat di bawah Sijil Takaful.

**8) Bolehkah Sijil Takaful ini dibatalkan?**

Jika anda mendapati rider ini tidak lagi bersesuaian, anda boleh membatalkannya dengan memaklumkan kepada kami secara bertulis.

**9) Apakah yang perlu dilakukan sekiranya terdapat perubahan kepada maklumat untuk dihubungi?**

Adalah penting anda memaklumkan kepada kami sebarang perubahan pada maklumat/alamat (termasuk bagi penama) untuk memastikan semua komunikasi perhubungan sampai kepada anda dan/atau dalam jangka masa ditetapkan.

**10) Bagaimanakah saya boleh mendapatkan maklumat lanjut?**

Jika anda memerlukan maklumat tambahan mengenai Takaful Berkaitan Pelaburan dan/atau Takaful Kemalangan Diri, sila rujuk kepada buku panduan info insurans mengenai 'Takaful Berkaitan Pelaburan' dan/atau 'Takaful Kemalangan Diri'. Anda boleh memperolehnya daripada ejen Takaful kami atau lawati [www.insuranceinfo.com.my](http://www.insuranceinfo.com.my)

Sekiranya anda mempunyai sebarang pertanyaan, sila hubungi kami di:

**Takaful IKHLAS Berhad**

Jabatan CRM  
IKHLAS Point, Tower 11A, Avenue 5  
Bangsar South, No. 8, Jalan Kerinchi  
59200 Kuala Lumpur.

Tel: +603-2723 9696

Faks: +603-2723 9998

Laman sesawang: [www.takaful-ikhlas.com.my](http://www.takaful-ikhlas.com.my)

Emel: [ikhlascare@takaful-ikhlas.com.my](mailto:ikhlascare@takaful-ikhlas.com.my)

**11) Produk seumpama yang boleh didapati.**

*IKHLASlink Accidental Death & Disability Secure Takaful Rider*

**NOTA PENTING:**

**ANDA DINASIHATKAN UNTUK MENGAMBIL PERHATIAN TERHADAP SKALA MANFAAT-MANFAAT KEMATIAN DAN KEILATAN DI BAWAH SIJIL TAKAFUL ANDA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN TAKAFUL ATAU MENGHUBUNGI PENGENDALI TAKAFUL SECARA TERUS UNTUK MAKLUMAT SELANJUTNYA.**

*Maklumat yang disediakan dalam Helaian Keterangan Produk ini adalah sah pada: 08/10/2018*